

# Koos de Kotter



Ingeborg Nienhuis

Voor Saar en Roos

Koos de Kotter is n schipke

van de Zoltkamper vissersvloot.

Weekends woatern dij ien hoaven

oet te rusten, boot aan boot.



Dag en deur gaat Koos oet voaren  
deur de nuvere Waddenzee hìn  
is hai op zuik noar lutje genoatjes -  
schipper voart mit, zo gaat dat din.





Onderwegens zicht Koos din kòbben  
en n zeehondje stil op n ol zandploat.  
Ook krigt e n knipoog van vuurtoren  
as hai laangs Schiermonnikoog voart.



Sums trekt Koos nog es wat wieder  
mit zien bemannen noar boven t Wad.  
n Enkele keer störm t din slim -  
haile benaauwd moakt hom dat.





Gelukkeg wordt Koos altied goud heegd  
en voart op vrijdag noar hoaven weerom  
Doar dreumt e van goie voart en vangst;  
dat genoatjen is krekt wat veur hom.



Ingetekstueel producties, 2015  
[www.greunenkriek.nl](http://www.greunenkriek.nl)

[www.jilster.nl](http://www.jilster.nl)

